

## 40. gr.

Enginn, sem bakað hefur sér refsingu eða skaðabótaskyldu fyrir brot á reglugerð þessari, má fara burt úr höfninni meðan mál hans er óútkljáð, nema hann setji tryggingu, sem bæjarstjóri tekur gilda.

## 41. gr.

Enginn skipstjóri má vænta þess, að fá afgreiðslu fyrir skip sitt hjá bæjarfógeta, nema hann sanni með vottorði frá bæjarstjórninni, að hann hafi borgað gjöld þau, er innheimtumaður hafnarinnar á að innheimta, svo og sektir og skaðabætur, sem honum ber að greiða.

## 42. gr.

Hverja þá skipun, sem samkvæmt reglugerð þessari má gefa skipi, skal gefa stýrimanni, ef skipstjóri er ekki á skipi, og eigi heldur umboðsmaður hans samkvæmt 2. gr. Ef stýrimaður er fjarverandi, má gefa einhverjum öðrum af skipshöfninni skipunina, og er það jafngilt, sem skipstjóri hefði fengið skipunina sjálfur.

## 43. gr.

Brot gegn reglugerð þessari varðar sektum allt að kr. 10000.00, nema þyngri refsing liggji við samkvæmt almennum lögum.

Sektirnar renna í hafnarsjóð Akureyrar.

## 44. gr.

Með mál út af brotum á reglugerð þessari skal fara að hætti opinberra mála.

Reglugerð þessi staðfestist hér með samkvæmt lögum um hafnargerðir og lendingarbætur, nr. 29 23. apríl 1946, sbr. lög um breyting á þeim lögum, nr. 41 5. apríl 1948, til að öðlast þegar gildi og birtist til eftirbreytni öllum þeim, sem hlut eiga að máli.

Jafnframt fellur úr gildi hafnarreglugerð fyrir Akureyrarkaupstað, nr. 80 20. júní 1958 ásamt breytingu á þeirri reglugerð, nr. 80 16. október 1958.

*Samgöngumálaráðuneytið, 11. marz 1964.*

**Emil Jónsson.**

*Brynjólfur Ingólfsson.*

## G J A L D S K R Á

fyrir Rafveitu Hafnarfjarðar.

### I. RAFORKA

Rafveita Hafnarfjarðar selur raforku á þann hátt og við því verði, sem hér segir:

#### A. Lýsing.

1. Um kWh-mæli á 465 aura hverja kWh.
2. Um kWh-mæli á 130 aura hverja kWh, auk fastagjalds, er nemi kr. 704.00 á ári fyrir allt að 25 m<sup>2</sup> gólfplatarmáls í rúmi því, er lýsa skal, og 22 kr. fyrir hvern m<sup>2</sup> umfram 25 m<sup>2</sup>. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal deila í fermetragjaldið með 3.5.

Séu notaðir flúrskinslampar, natriumlampar eða kvikasilfurslampar með ófasviksjöfnuðum straumrásum, er heimilt að miða orkugjaldið skv. 1.—2. tölulið við kilovoltamperstundir í stað kilóvattstunda.

#### B. Almenn heimilisnotkun.

Um einn kWh-mæli á 100 aura hverja kWh og auk þess fastagjald, kr. 90.00 á ári fyrir hvert herbergi, sem ætlað er til íbúðar og eldhús, en ekki ganga, baðherbergi eða geymslur.

#### C. Vélanotkun.

1. Um kWh-mæli á 245 aura hverja kWh.
2. Um mæla þannig reiknað, enda sé aflnotkun minnst 5 kW: Aflgjald skv. kWh-mæli á kr. 975.00 hvert árskW. Auk þess skal greitt orkugjald skv. kWh-mæli á 38 aura hver kWh. Minnsta aflgjald er kr. 4880.00 á ári. Verði raunstuðullinn lægri en 0,8, er heimilt að miða afgjaldið við 80% af mestu kVA-notkun í stað kW-noktunar.

#### D. Hitun.

1. Um kWh-mæli á 85 aura hverja kWh.
2. Um kWh-mæli á 38 aura hverja kWh, enda megi rjúfa strauminn í allt að 3 klst. á dag, á tímum mesta álags Rafveitunnar.
3. Um kWh-mæli á 19 aura hverja kWh, enda megi rjúfa strauminn frá kl. 9 til kl. 21.

Þegar um er að ræða hitun á húsrými, sem er yfir 2000 m<sup>3</sup> að stærð, eða aðra hliðstæða notkun á afli, er heimilt að láta í té straum á tímabilinu frá kl. 12.30 til kl. 15.30.

Skilyrði fyrir raforkusölu til hitunar:

- a. Að vélaafl, götulinur og spennar þoli álagið, að dómi rafveitustjóra.
- b. Að notandi kosti segulrofa fyrir hitalögnina.
- c. Að hitalagnir, þar með talin öll tæki, séu gerð skv. fyrirmælum Rafveitunnar og Rafmagnseftirlits ríkisins, ofnar fastengdir með sérstökum rofum og hitastíllar notaðir, þegar þess er krafizt.
- d. Að húsnæðið fullnægi þeim lágmarkskröfum um einangrun, sem Rafveitan kann að setja.
- e. Að lagðar séu fram niðurstöður útreikninga á hitaþörf þess húsrýmis, er hita skal, þegar þess er krafizt og skal þá tekið fram, við hvaða minnsta útihita hitaþörfin er miðuð.

#### E. Stórnotkun.

Um mæla þannig reiknað sé aflnotkun minnst 200 kW:  
Aflgjald 1400.00 kr. hvert árskW.  
Orkugjald: 14 aura hver kWh.

#### F. Önnur notkun.

1. Rafveitustjóra er heimilt að veita afslátt frá framangreindum verðlagsákvæðum á liðunum A til D á orku, sem notuð er á sumrin, ef um töluverða aukningu frá vetrarnotkun er að ræða, eða ef orkan er eingöngu notuð á sumrin.
2. Til nota við vinnulagnir við byggingar, meðan á byggingu stendur, þannig:
  - a. Um kWh-mæli á 235 aura hverja kWh.
  - b. Um mestastraumsrofa á 30 kr. hvert Ampér á mánuði. Rafveitustjóri ákveður, hvort settur skuli upp kWh-mælir eða mestastraumsrofi.

3. Gjöld fyrir götu- og hafnarlýsingu: 140 aurar hver kWh.
4. Þegar sértsaklega stendur á, má rafveitustjóri selja raforku eftir sérstökum samningi, þó eigi lengur en til eins árs í senn, nema samþykki Rafveitunefndar komi til.

## II. HEIMTAUGARGJÖLD

Heimtaugargjald skal greitt samkvæmt eftirfarandi töflu.

Fari lengd jarðstrengsheimtaugar fram úr 15 m eða loftlínuheimtaugar fram úr 40 m, skal greitt yfirlengdargjald eins og taflan sýnir:

Málstraumur stofnvara	Jarðstrengur		Loftlína	
	Lágmark kr.	Yfirlengd kr./m	Lágmark kr.	Yfirlengd kr./stólpa
220 V kerfi.				
60 A 1-fasa .....	4 200	280	3 600	4 000
100 A 1-fasa .....	5 300	300	4 700	5 000
60 A 3-fasa .....	5 500	300	4 700	5 000
100 A 3-fasa .....	8 400	350	6 600	6 500
125 A 3-fasa .....	10 400	400	8 300	7 000
200 A 3-fasa .....	16 500	500	13 300	8 500
350 A 3-fasa .....	28 900	700		
380 V kerfi.				
60 A 1-fasa .....	4 200	280	3 600	4 000
60 A 2-fasa .....	6 100	300	5 800	5 000
60 A 3-fasa .....	8 900	300	8 300	5 400
100 A 3-fasa .....	14 400	350	11 500	7 400
125 A 3-fasa .....	17 900	400	14 300	8 000
200 A 3-fasa .....	28 800	500	23 200	9 800
350 A 3-fasa .....	48 200	700		

Fyrir heimtaugar með flutningsgetu 150 kVA og þar yfir (hér kann að þurfa spennistöð), skal greitt heimtaugargjald er nemi kr. 217.00 á hvert kVA. Skal þá miða aflið við varastærðirnar 350, 430, 500 og 600 A. Yfirlengdargjald 350 ampera skv. töflu.

Lengd jarðlínuheimtaugar, 60—200 A í 220 V kerfi og 60—125 A í 380 V kerfi, reiknast frá varkassa stytztu greiðfæra leið að lóðarmörkum. Lengd stærri jarðlínuheimtaugar reiknast frá varkassa að rofalíndreifistöð. Yfirlengd reiknast ekki af vegalengd, sem er yfir 100 m frá varkassa. Þurfi að leggja jarðlínuheimtaug frá loftlínu, skal lengd heimtaugar reiknuð jöfn lengd jarðstrengs frá varkassa að loftlínustólpa. Þveri jarðlínuheimtaugin akbraut, skal breidd akbrautar ekki reiknuð með.

Lengd loftlínuheimtaugar, 60—100 A í 220 og 380 V kerfi, reiknast frá næsta stólpa í notendalínu við götu, stytztu greiðfæra leið að varkassa. Þurfi að setja stólpa fyrir heimtaug, nær húsi en 40 m, svo hún nái löglegri hæð, skal greitt umframingjald kr. 2000.00 fyrir stólpann.

Sé nauðsynlegt að setja upp spennistöð vegna ákveðins notanda og hún að mestu leyti notuð í hans þágu, skal notandanum skylt að leggja til lóð undir stöðina, rafveitunni að kostnaðarlausu, og skal hann í öllu hlíta skilmálum rafveitunnar um stærð lóðarinnar og staðsetningu stöðvarinnar.

Óski húsegandi eftir að heimtaug verði breytt úr 1-fasa heimtaug, eða flutningsgeta jarðstrengsheimtaugar verði aukin, skal hann greiða fyrir breytinguna

samkvæmt kostnaði, þó aldrei minna en mismun á heimtaugargjaldi skv. gjaldskrá. Þurfi að breyta loftlínuheimtaug í jarðstrengsheimtaug, vegna breytingar á stofnlínu í götu, skal húseigandi greiða þann mismun, sem er á jarðstrengsheimtaug og loftlínuheimtaug skv. gildandi gjaldskrá, þegar breyting fer fram. Rafveitan skal hins vegar kosta breytingu á stofntaug innanhúss, sem þessu verður samfara, en ekki málningu eða annan kostnað, sem af þessu kynni að stafa. Sé mikill kostnaður við breytinguna, getur stjórn rafveitunnar skyldað húseiganda til að taka þátt í kostnaði á breyting stofntaugarinnar.

Gjaldskrá þessi gildir í skipulögðum hverfum innan lögsagnarumdæmis Hafnarfjarðar, Garðahrepps og Bessastaðahrepps. Sé um óskipulagt svæði að ræða, eða aðstæður óvenjulegar, er heimilt að krefjast sérstaks aukagjalds af húseiganda, eða gera honum að greiða fyrir heimtaugina skv. kostnaði, en gera skal honum aðvart um það fyrirfram.

### III. OPNUNARGJÖLD

1. Hafi gjald skv. gjaldskrá þessari eigi verið greitt, svo að til lokunar hafi komið fyrir veituna, skal taka gjald fyrir enduropnun, 100 krónur.
2. Ef fundin eru við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur, fyrr en notandi hefur greitt 200 króna gjald á skrifstofu Rafveitunnar.

### IV. ÝMIS ÁKVÆÐI

Söluskattur samkvæmt lögum nr. 10/1960, um söluskatt, með viðauka og breytingu frá janúar 1964, er talinn með í upphæð gjalda þeirra, sem um ræðir í gjaldskrá þessari.

Gjaldskrá þessi, sem bæjarstjórn Hafnarfjarðarkaupstaðar hefur samið og samþykkt, og gerð er samkvæmt vatnalögum nr. 15 20. júní 1923, og raforkulögum nr. 12 2. apríl 1946, staðfestist hér með til að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá fyrir Rafveitu Hafnarfjarðar, nr. 135 2. október 1961, ásamt síðari breytingu.

*Atvinnumálaráðuneytið, 17. marz 1964.*

**Gunnar Thoroddsen.**

*Þorv. K. Þorsteinsson.*

## REGLUR

fyrir Norræna búsysluháskólann.

1. Norræni búsysluháskólinn er stofnaður af Danmörku, Finnlandi, Íslandi, Noregi og Svíþjóð í sameiningu í þeim tilgangi að efla og skipuleggja kennslu og rannsóknir í búsyslufræðum á Norðurlöndum á visindalegum grundvelli, er fullnægi þeim kröfum, sem gerðar eru til annarrar háskólakennslu.
2. Fyrir skólanum er stjórn, skipuð tveimur fulltrúum frá hverju þessara landa: Danmörku, Finnlandi, Noregi og Svíþjóð, ásamt einum fulltrúa frá Íslandi.